

The background features a central illustration of a school building with a bell tower and several windows. To the left, a stick figure stands with arms raised. To the right, another stick figure stands with arms outstretched. The scene is surrounded by various simple drawings: a sun with rays, a star, a spiral, and a smiling face. The entire illustration is rendered in a light gray, pixelated style.

# **ESKOLAKO AGENDA 21**

## **Arrasaten:**

**Ekitatea Proiektua**  
**09-10 ikasturtean**

Arizmendi Ikastola: Gaztelupe, Gazteluondo, Arimazubi eta Sta Teresa gunek  
Arrasateko Institutua.  
Arrasateko Herri Eskola  
Legazpiko CEIDA (Eusko Jaurlaritza) eta  
Udalako Ingurumen Eskola (Arrasateko Udala)

**IKASLEEN KONKLUSIOAK, PROPOSAMENAK  
ETA KONPROMISOAK** (bilkura berezian aurkezteko)

**Arrasaten, 2010ko maiatzaren 27an**

Arratsalde on!

Gaur hemen gaudenok Arrasateko Herri Eskolako, Institutuko eta Arizmendi Ikastolako (Gazteluondo Gunea, Arimazubi Gunea, Sta Teresa Gunea eta Gaztelupe Gunea) ikasleak gara. Ikastetxe hauetako 6-18 urte bitarteko ikasle guztiak, 2.040 ikasle, jardun dugu aurtengo ikasturtean Eskolako Agenda 21 lantzen.

Eskolako Agenda 21aren bitartez Arrasatek jasangarritasunaren bidean aurrera egin dezan saiatzen ari gara, gure esku dagoena egiten saiatuz.

Duela 7 ikasturte proiektu honi hasiera eman genion eta denbora luze honetan zaborra, ura, energia, kontsumoa, publizitatea eta aurtengo ekitatea gaiak landu ditugu.

Kurtso honetan asko izan dira egindako lanak eta aktibitateak, bai gure zentruetan bai herriko hainbat txokotan, baina zuek ideia bat egiteko ondoren zerrendatzen diren jarduerak adibide gisa azaltzen ditugu:

- Gure zentroetan ekitateari buruzko hitzegin dugu, bideoak ikusi ditugu, jokua eta jolasak egin ditugu, logotipoa aurkeratu dut txostena asko egin ditugu kontzeptu hau ondo ulertzeko.
- Aurten gertatu den egoera konkretu baten aurrean (Haitin gertatutakoa) ekintza batzuk antolatu ditugu: Haitirendako diru bilketa antolatu dugu, Haitiren egoeraz jabetzeko ikastetxean hormairudiak jarri ditugu, etabar.
- Udalako Ingurugiro Eskolakoekin hainbat lana egin ditugu: herritarren artean galdetegiak egin ditugu, emaitzak aztertu ditugu eta arazoak konpontzeko proposamenak atera ditugu.
- Arrasaten, ekitate gabeziaren gainean lanean diharduten hainbat talde, elkarte, enpresa,... ezagutu ditugu: Mundukide fundazioa, emakume txokoa, GUREAK lantegiak, bidezko merkataritzako denda, Cáritas, eta abar.
- Hainbat kanpainatan parte hartu dugu: Intermonekoa, Saharakoa,...
- Saharako kanpainarako janaria eskoletan bildu dugu.
- Gure ikastetxeetan ikasleen artean galdeketa batzuk egin ditugu eta ekitateari buruz ondorioak atera ditugu; gure konpromisoak hartu ditugu gauzak konpartitzeaz eta ahal den guztiarekin laguntzeaz.

- Munduko beste errealitate batzuk ezagutu ditugu: Nikaraguako ikasleekin harremanetan egon gara eta eurekin aktibitateak egin ditugu.
- Gobernuz kanpoko erakundeak aztertu ditugu eta horiek ekitatearen aldeko lanaren berri jakin dugu.
- Bidezko merkataritza ezagutu dugu, eta Ecuador, Colombia, Peru-ko produktuak dastatu ditugu eta hango langileen lan-egoera ikusi dugu (soldata, zein adina eduki behar dute lan egiteko, etabar).
- Rastroa antolatu dugu eta merkatu txikiak.
- Herrian dagoen aniztasuna ikusi eta baloratu dugu (kanpotik etorritako kultura batzuk).
- Arrasaten kontsumitzeko dauden ereduak ikusi ditugu (denda tradizionala, merkataritza zentroak eta bidezko merkataritzako denda) eta kontsumo arduratsuak duen garrantziaz jabetu gara.

Ekitatearen gaia aztertu dugunean konturatu gara jendea prest dagoela laguntzeko baina askotan ez dakiela nola lagundu.

Orain aurkeztuko dizkizuegun ondorio, proposamen eta konpromisoak egiten ikasle guztiok parte hartu dugu. Lehendabizi ikasgela bakoitzean adostu ditugu, gero ikastetxe bakoitzeko ikasgeletako ordezkarien arteko batzarrean adostu ditugu eta amaitzeko hemen aurkeztuko dizkizuegunak aipatutako ikastetxe guztietako ordezkarien arteko batzarrean adostu ditugu.

Pleno areto honetan gauden ikasleak lehen aipatu ditudan ikastetxe guztietako ikasleen ordezkariak gara. Orain entzungo dituzuen proposamen eta konpromisoekin Arrasateko bizi kalitatea hobetu nahi dugu, hau da, Arrasate hobeago bat lortzen lagundu nahi dugu.

## ARRASATEKO UDALBATZARRERAKO KONKLUSIOAK, PROPOSAMENAK ETA KONPROMISOAK

Arrasateko bizilagunek uste dute aberastasunaren banaketa oso injustua dela eta munduko pobrezia arrazoi nagusietako bat hori dela. 2025.urterako 2 mila milioi pertsona pobrezia larrian egongo dira, egoeraren aurrean zerbait egiten ez badugu.

Gure herrian badaude talde eta erakunde batzuk (Elkarheitzien taldea, Mundukide fundazioa, Caritas, Emakume Txokoa,...) egoera larritan daudenei laguntza ematen dietenak eta horien lana oso garrantzitsua denez, gure proposamena hau da: **"Udalak ekitate gabeziaren alde lanean ari diren taldeak herritarrei hurbiltzea eta laguntza ematea euren lana jarraitu ahal izateko"**

Guk gure aldetik herrian dauden Gobernu kanpoko erakundeei buruzko informazioa zabalduko dugu, aurten talde batzuk ezagutu ditugu eta etxean eta lagun artean euren lanari buruz hitz egiteko konpromisoa hartu dugu.

Herritar askok badakite Arrasaten dagoen bidezko merkataritzako denda non dagoen, baina ez dago produktu horiek erosteko ohiturarik. Kontsumoa landu genuenean ikusi genuen arduratsua izan behar dela eta produktu horiek hori betetzen dutelakoan gaude, beraz **"udalak bidezko merkataritza ondo ezagutarazteko ekintzak antolatzea proposatzen dugu"** eta **"udal instalazioetan bidezko merkataritzako produktuak erabili"**

Guk konpromisoa hartu dugu bidezko merkataritzako dendara joan informazioa jaso eta ikastetxean informazio hori zabaltzeko.

Denok dakigu errekurtsioak ez daudela ondo banatuta, batzuk behar duguna baino gehiago dugula. Horretaz **jabetzeko herrian kontzientziario kanpainak antolatu eta herrialde pobreetarako diru kantitate bat erreserbatu herriko aurrekontuetan.**

Guk ere gur aportazio txikiak egingo ditugu eta eskolan janaria edo dirua biltzeko kanpainak antolatzen direnean parte hartuko dugu.

Gure ustez pobrea izatea ez da justua Herrian behar bezala jakin behar dugu zer egoera bizi duten behartsuek, eta **udalak pertsona horiei ematen**

**zaizkien zerbitzuak eta laguntzak mantendu eta, ahal den neurrian, hobetu egin behar dira.**

Konpromisoa hartu dugu Udalak antolatutako ekintzetan parte hartzeko.

Arrasate herrian gero eta etorkin gehiago dugu; etorkinak izan nahiz bertakoak izan denok berdina gara gure berezitasunekin. Gure aldamenekoarekin ondo moldatzeko lehenengo elkar ondo ezagutu behar dugu; horretarako **udal honetatik herrian ditugun beste kulturak ezagutzeko ekintzak antolatu behar ditugu**. Gu prest gaude antolatutako aktibitateetan parte hartzeko..

Genero ekitate falta ere somatzen dugu gure gizartean eta gure ustez etxean eta ikastetxean ere lan asko egin behar dugu. **Udalak emakume txokotik lana egiten jarraitu behar du eta etxeko lanen banaketa ekitatiboa izateko eta etxeko lanak edozeinek egin ahal izateko formazio ikastaroak antolatu behar dira.**

Guk etxean lan banaketa ekitatiboa izateko planteatuko dugu eta parte hartuko dugu.

ESKERRIK ASKO ZUEN ARRETAGATIK